

North Sotho - Rapele Dipsalme - WP Psalms 2018

Dipsalme 68:1 Modimo o a tsoga! Manaba a gagwe a a gašana! Ba ba mo hloilego ba tšhaba ge a fihla.

Dipsalme 5:9,10 Gobane ganong ga bona go hlokwa therešo; ka teng ga bona go bodile; megolo ya bona ke lebitla le le butšwego; maleme a bona ke a masese. 10 Ba sekiše, wena Modimo, ba we ba tantšwe ke maano a bona; ba lahle, ka ge go bona go atile bohlanogi; gobane ba tsogetše wena.

Dipsalme 7:1,2 Morena Modimo wa ka! Ke holofetše wena; ako ntlhakodiše diatleng tša bohole ba ba ntlhomarago, o mphološe. 2 Ba sa tlo nkgarola boka tau; ba sa tlo nkgagola go se na monamoledi.

Dipsalme 11:6 O tlo ba nešetša pula ya magala; mollo le tshebela, le ledimo la go fiša, di tlo tšhologela bona.

Dipsalme 18:2 Morena, o lentswe la ka, le sebo sa ka, o monamoledi wa ka. O Modimo wa ka, o thaba ya ka ye ke e botilego, o kotse ya ka, o lenaka la go ntewela, botšhabelo bja ka.

Dipsalme 18:14 O betša mesebe ya gagwe a ba šwalalanya; o betša dikgadima ba napa ba tšhoga.

Dipsalme 18:17 A nnamolela diatleng tša lenaba la ka le le maatla, diatleng tša bantlhoi ba ba mpaletšeego.

Dipsalme 18:39 O ntlhama ka maatla a ntwa; bantsogedi o ba kokobetša tlase ga ka.

Dipsalme 18:45 Ba mathoko ba nolega moko; ba roromela ba etšwa dibong tša bona.

Dipsalme 18:48 O nnamoletše mohla manaba a ka a befetšwe, a nkgodiša gara ba ba ntsogetšeego; a ntlhakodiša diatleng tša monna e mošoro.

Dipsalme 23:3 O lapolosa moyo wa ka; o ntshepediša mmileng wa go loka ka baka la leina la gagwe.

Dipsalme 27:11 Morena, nthute tsela ya gago, o ntlhahle mmileng wa go loka, ka lebaka la ba ntheilego.

Dipsalme 31:15 Mabaka a bophelo bja ka a mo diatleng tša gago. Nnamolele mo atleng tša manaba a ka le tša bao ba ba ntlhomerego.

Dipsalme 34:4 Morena mola ke mo nyaka o nkwlile, a mphološa mo go tšohle tše ke bego ke di šia.

Dipsalme 34:7 Morongwa wa Morena o goragorela ba ba mmoifago; o a ba namolela.

Dipsalme 34:13 Lota leleme la gago, le se senye; melomo ya gago e se ke ya bua maaka.

Dipsalme 34:17-19 Ba goeleditše, Morena a ba kwa; a ba namolela gohle mo ba bego ba tlaletšwe. 18 Morena o kgaušwi le ba dipelo di robegilego; o phološa meoya e kgobetsi. 19 Mahloko a moloki a atile; mme Morena o mo ntšha mo go ona ka moka.

Dipsalme 35:1-8 Morena, ganetša ba ba nkganetšago, o Iwe le ba Iwago le nna. 2 Swara kotse le setheko, o eme o ntwele. 3 Goga lerumo o sware selepe, o gahlane le ba ntlhomarago; o botše pelo ya ka o re: O tlo Iwelwa ke nna! 4 Ba ba tsomago moywa ka a ba nyame mme ba gakaneg; ba ba ntakanago a ba gome le dihlong. 5 A ba etše maoko ge go tla ledimo; Morongwa wa Morena a ba rake. 6 Tsela ya bona a e be leswiswi le boredi; Morongwa wa Morena a ba hlomarele. 7 Gobane, mola ke se ne molato, ba nthea ka moreo le malokwa, ba nthea ka molete ke se ne molato. 8 A ba tšhoge kotsi e ba aparela, ba tantšwe ke lokwa ba go le rea, di ba wele e le kotsi.

Dipsalme 35:10 Ditho tša ka tšohle di re: Morena, ke mang a etšago wena Molwela-mmotlana ge a paletšwe, mmotlana le modiidi ge a pateletšwa.

Dipsalme 36:7-9 Modimo, botho bja gago ga se ka go ratega; bana ba batho ba khuta moriting wa phego tša gago. 8 Ba khora menono ya Ngwako wa gago; o ba noša noka ya menate yago. 9 Gobane go wena go mothopo wa bophelo; seetša re se bona re le seetšeng sa gago.

Dipsalme 37:5 Gafela Morena ditsela tša gago, o mmote; yena o tlo dira.

Dipsalme 37:23,24 Mošito wa monna o tiišwa ke Morena ge a kgahlwa ke ditsela tšagwe. 24 Ge a ka wa, ga a wele ruri, gobane Morena o swere seatla sa gagwe.

Dipsalme 37:40 Morena o a ba thuša, o a ba namolela; o ba namolela diatleng tša babe; o ba phološa gobane ba khuta ka yena.

Dipsalme 39:1 Ke be ke re ke tlo hlokomela tsela ya ka, gore ke se senye ka leleme; ka re molomo wa ka ke tlo o swara ka mogala, ge ke sa fela ke lebane le yo mobe.

Dipsalme 41:4 Nna ke re: Morena, nkgaugale o mphodiše pelo, gobane ke go sentše.

Dipsalme 42:5,11 Wena moywa waka! O itlhokofaletšang? O ferehlegelang teng ga ka? Bota Modimo! Ke sa tlo mo leboga ge a mphološitše ka sefahlego sa gagwe. 11 Wena moywa waka! O itlhokofaletšang? O ferehlegelang teng gaka? Bota Modimo! Ke sa tlo mo leboga ge a mphološitše sefahlego, yena Modimo wa ka. (Dipsalme 43:5)

Dipsalme 43:1 Nkahlolele, Modimo! A ke o nkemele ge ke sekiswa ke batho

- ba go hloka botho. Nnamolele diatleng tša ba maaka le ba lonya.**
- Dipsalme 44:4 Modimo! Kgoši ya ka ke wena! Phalala o phološe Jakobo.**
- Dipsalme 51:4 Ke senyeditše wena, wena fela; ke dirile sa go go befela; ke gona, o tlo loka, ge o bolela, o tlo rereša ge o ahlola.**
- Dipsalme 52:5 Modimo o tlo go pšhatla ya ba moka; o tlo go hlothola a go tomola mo nageng ya ba phelago.**
- Dipsalme 54:7 Gobane o mphološa dikotsing ka moka; mme mahlo a ka a bona tše manaba a ka a dirwago tšona.**
- Dipsalme 55:18 O phološa moya wa ka a o khutšiša ntwa, mo go sa fihlego bao ba mpokago ka bontši.**
- Dipsalme 59:2 Nnamolele go badirabobe, o mphološe go banna ba madi.**
- Dipsalme 60:12 Ka Modimo re tlo kgona ntweng; ke yena a tlogo gatakela manaba a rena.**
- Dipsalme 63:11 Kgoši yona e tlo ithabela Modimong; go tlo retwa bohole ba ba enago ka yena, gobane melomo e batago maaka e tlo thibja.**
- Dipsalme 66:3 Le mmolele le re: Modimo, mediro ya gago ga se ka go šiiša! Manaba a gago a loba a bone bogolo bja maatla a gago.**
- Dipsalme 68:6 Ba ba lelekilwego Modimo o ba agiša magae. Bagolegwa o ba bušetše leagong. Bahlanogi bona ba tlo dula kua mahanateng.**
- Dipsalme 68:35 Modimo, o a boifega ka ditiro tše dikgethwa tša gago. Modimo wa Isiraele, ke wena o fago setšhaba maatla le go kgona. A go retwe yena Modimo!**
- Dipsalme 70:1 Modimo a ke o nnamolele. Morena, se diege go mphološa.**
- Dipsalme 71:4 Modimo, ntokolle diatleng tša yo mobe, dinaleng tša yo kgopo, yo sehlogo.**
- Dipsalme 71:13 Ba ba mpekago a ba lewe ke dihlong; ba ba bego ba ntlholela kotsi ba apare kgobogo le nyatšego.**
- Dipsalme 72:12 Gobane o tlo hlakodiša modiitšana ge a lla, le mohlaki ge a hloka monamodi.**
- Dipsalme 76:12 yena mopaladikgang tša bakgoma, motšhabegi go dikgoši tša lefase.**
- Dipsalme 79:9 Re hlakodiše, wena Modimo wa go re phološa, gore go retwe leina la gago. Re namolele, o re lebalele dibe tša rena ka baka la leina la gago.**
- Dipsalme 86:17 Bea seka ka nna ka go ntshetše, bantlhoi ba šegame ge ba bona o nthušitše, o nkhomoditše.**
- Dipsalme 91:14,15 Ke tlo mo phološa ka gobane a nkgomaretše. Ke tlo mo khutiša gobane o tseba leina la ka. 15 O tlo mpitša mme nna ke tlo mo kwa, ka ba le yena tlalelong; ke tlo mo namola mme ka mo godiša.**

Dipsalme 92:11 Bantlhoi ke ba bona ka mahlo a mašweu; mme ditsebe tša ka di tlo kwa se se dirwago ba ba ntsogelago.

Dipsalme 103:10 Se a re dirago sona ga se go latiša bokgopo, ga se go lefeletša sebe.

Dipsalme 104:9 Wa di beela mellwane ye di ka se kego tša sela, tša boela tša ribegetša naga.

Dipsalme 107:6 Ba bitša Morena ba gakanegile, a ba hlakodiša tlalelong,

Dipsalme 118:10 Ke be ke dikilwe ke bantle bohle; mme ka leina la Morena ka ba šwalalanya.

Dipsalme 118:12 Ba be ba mpoka boka dinose, ba tuka boka mollo madigeng; mme ka leina la Morena ka ba šwalalanya.

Dipsalme 121:7,8 Morena o tlo go efoša bobe bjohle; o tlo leta moywa gago. 8 Morena a a go lete matšo le maboyo lehono le neng le neng.

Dipsalme 138:3 O nkstile ge ke go bitša, wa mpha mafolofolo, maatla moyeng wa ka.

Dipsalme 140:1,4,5 Morena, nnamolele mo bathong ba babe, o nkefoše banna ba bašoro. 4 Morena, mphemele atla tša bakgopo, o nnamolele diatleng tša banna ba bašoro, ba rego ba mphereketše dinao tša ka. 5 Baikgogomoši ba ntheile ka melaba le ka manti, ba ngangile dithapo tša malokwa, ba nkepetše moreo tseleng.

Dipsalme 142:6 A ke o nkwele ruri ge ke go bobolela, gobane ke fedile maatla sa ruri; nkefoše ba ba ntlhomarago, gobane ba mpheta ka maatla.

Dipsalme 143:9 Morena, nnamolele manabeng; a nke ke khute ka wena.

Dipsalme 147:14 O ageletše mellwane ya gago ka molao, o go horiša ka mabele' a nonnego.

Dipsalme 149:6-9 Megolo ya bona a e be ya direto tša Modimo; diatla tša bona a e be tša marumo a magale a mabedi, 7 a gore go išwe tefetšo go ba ditšhaba, dikotlo di išwe merafong. 8 Gore dikgoši tša bona di tlengwe ka tšhipi, le dinopodi tša bona di bofiwe ka dingangane. 9 Gore ba dirwe ka molao wo o ngwadilwego; e tlo ba bokwala bja bagaugelwa ba gagwe. Haleluya!